

Meijgoz Yeznanz Laujvoh Sam Guek Yauzcuz Beixnuengx Daengz Denzlinz Mbanjyauz Cetyawj

美国越南老挝三国瑶族同胞到田林瑶寨参观考察

11 nyied 19 hauh, Denzlinz Yen Lozlij Cin Denzbingz Cunh Mbanjveijyuz nauhyied dangqmaz. Meijgoz、Yeznanz、Laujvoh sam guek Yauzcuz beixnuengx gungh 23 vunz, daeuj daengz gizneix cetyawj, caeuq dangdieg vunzlai lienzvuen、yaenglwnh.

Gyoengqvunz Mbanjveijyuz daenj buh moq vaq moq, boq loxlez, eu fwen, dawz gij laeuj bonjfaenh gag ngauz haenx, youq bakmbanj laengz sam caengz, aeu “vanj ndeu seng、song vanj caen、sam vanj raen caensim” daeuj angqcoux beixnuengx dieggyae. Guh’angq seiz gyoengq Yauzcuz beixnuengx guekrog caeuq dangdieg vunzlai beixnuengx eu fwen, diuzdiuz cungj ndei dingq, sim caeuq sim doxgyau, itheij daem ceiz, caezgya yawj gij ndangdaenj doiqfueng, caez angq gvaq gij saedcej angqyangz neix.

Mbat hozdung neix, miz Gvangjsih Yauzcuz Yozvei、Swcigih Minzyijveij、Yinzda Minzcuz Gunghveij、Denzlinz Yenveij、Yen Minzcuzgiz daengj bumwnz lingjdauj camgya.
(Vangz Bizyen/黄碧艳)



▲ Nanz mbouj doxraen ingj siengq louzniemh.



► Sim caez sim, caez daem ceiz.



▲ Daenj swjcan dawz mak-gaemjgaet langhbaij hawj boubhekyouz caeuq boubndaemmak yawj.

Yungzanh Suen Makgaemjgaet Demsou Langhbaij Swjcan 融安丰收桔园秀旗袍

11 nyied 18 hauh, Liujcouh Si Yungzanh Yen Dacang Cin Dacang Segih Mbanjsammax gawjhengz suen makgaemjgaet hai suen yizsi, dangdieg boub haengj daenj swjcan haenx youq ndaw suenmak vih boubhekyouz caeuq boubndaemmak langhbaij swjcan, hoh makgaemjgaet fungsou ndaej gai.

Yungzanh Yen dwg aen dieg makgaemjgaet mizmingz he, dwg 《Gaemjgaet》 guekgya biucinj dinghguh danhvei, daengx yienh miz makgaemjgaet menciz 11.5 fanh moux, bi dawzmak 9.5 fanh dun, gai ndaej gaenh 5 ik maenz, dwg dangdieg boubndaemmak vut gunz baenz fouq cungj canjyez dingj ak he.

(Danz Gaijhingh/谭凯兴)



▲ Mak diemz swjcan gyaeundeisau hix gyaeu.

Lingzyinz Saujsu Minzcuz Conzdungj Hong-fwngz Gunghyibinj Beizyin Youq Haugunh Haiban

凌云少数民族传统手工艺品培训在浩坤开班

Vihliux baujhoh swnjcienz fazcanj conzdungj hongfwngz gunghyibinj, hawj mehmbwk lajmbanj cangyez ndaej demsou. 11 nyied 17 hauh, Lingzyinz Yen Minzcuzgiz, Lingzcan Yauzcuz Yangh Yinzminz Cwngfuj caeuq Yangyaz Cin Yinzminz Cwngfuj lienzhab youq Lingzcan Yauzcuz Yangh Mbanjhaugunh Ginggih Huzhaugunh samhah fuzvu cungsim haiban

beizyin saujsu minzcuz hongfwngz gunghyibinj.

Camgya mbatneix ban beizyin miz song aen yanghcin mbangj mehmbwk gungh miz 48 vunz. Youq gwnz haiban yizsi boub lauxsae geq Vangz Meijsungh gaeng 74 bi neix son conzdungj gunghyibinj mauhbyagim caeuq haizguk hawj gyoengq mehmbwk haenx.

(Lij Caijlanz/李彩兰)



▲ Hab’ingj.



▲ Mehmbwk daeuj hagsib angqfwngfwng.

Lozcwngz Guh Aen Hozdung “Dangzgoq Hung Feihyiz”

罗城开展“非遗大课堂”活动

11 nyied 17 hauh, Lozcwngz Mulaujcuz Swciyen Daihngaih Siujyoz guh feihvuzciz vwnzva yizcanj haeuj hagdangz nem Liujgyangh Sawcuengh Hagdangz Fusuz Siujyoz gyauhliuz hozdung.

Dangngoenz aen hag neix hoedheux “hungzyangz minzcuz vwnzva swnjcienz diuzmeg vwnzva Cunghvaz” guh cawjdaez, cingj ndawbiengz boub saefouh Loz Vazcingh hawj gyoengq lwgnyez langhbaij gij daetcej gisuz, bujgiz gij cihsiz “feihyiz”.

(Mungz Cwnghsw/蒙增师)



▲ Lauxsae son hagseng hag, itmienh doengh fwngz itmienh yawj.